

**Razvojna banka Federacije
Bosne i Hercegovine
Predsjednik Uprave**

Broj: 5709-IX/19
Sarajevo, 09.7.2019. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 5696-IX/19 od 09.7.2019. godine i člana 20. Statuta Razvojne banke Federacije Bosne i Hercegovine, u postupku nabavke robe-prehrambenih artikala i napitaka za potrebe Razvojne banke Federacije BiH, Predsjednik Uprave Razvojne banke Federacije BiH donosi

ODLUKU

**o izboru najpovoljnijeg ponuđača u postupku javne nabavke prehrambenih artikala
i napitaka za potrebe Razvojne banke Federacije BiH**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 5696-IX/19 od 09.7.2019. godine i Okvirni sporazum za nabavku prehrambenih artikala i napitaka za potrebe Razvojne banke Federacije BiH dodjeljuje se ponuđaču D.O.O. REDEX Banovići, 10. Septembar br. 18, Banovići, kao najpovoljnijem ponuđaču u konkurentskom zahtjevu za dostavu ponuda.

Član 2.

Ukupna ponuđena cijena Okvirnog sporazuma iz člana 1. ove odluke iznosi 11.998,30 KM bez PDV-a, što u konačnici, s uračunatim PDV-om, iznosi 14.038,01 KM.

Član 3.

Po okončanju roka za žalbu, ugovorni organ će s izabranim ponuđačem zaključiti okvirni sporazum kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke prehrambenih artikala i napitaka za potrebe Razvojne banke Federacije BiH broj 4949-IX/19 od 12.6.2019. godine, odobreno je pokretanje postupka predmetne nabavke za potrebe Razvojne banke Federacije BiH. Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 12.000,00 KM bez PDV-a.

Obavještenje o nabavci predmetne robe objavljeno je na Portalu javnih nabavki dana 17.6.2019. godine, broj obavještenja: 1011-7-1-395-3-23/19.

Tenderska dokumentacija objavljena je zajedno sa navedenim obavještenjem.

Odlukom Ugovornog organa broj 2633-III/19 od 29.3.2019. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su pravovremeno pristigle 2 (dvije) ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)	Ukupna cijena s PDV-om (u KM)
1.	D.O.O. „REDEX“ Banovići	01.07.2019. u 10:42 h	11.998,30	0,00	11.998,30	14.038,01
2.	GOLD MIGNON d.o.o. Sarajevo	01.07.2019. u 11:35 h	11.836,35	0,00	11.836,35	13.848,53

Na osnovu izvršene analize i ocjene pristiglih ponuda, Komisija je utvrdila sljedeće:

- ponuda ponuđača d.o.o. REDEX Banovići je prihvatljiva i ispunjava uslove i zahtjeve utvrđene tenderskom dokumentacijom,
- ponuda ponuđača GOLD MIGNON d.o.o. Sarajevo ne ispunjava zahtjeve u pogledu opisa predmeta nabavke. Naime, prema mišljenju stručne službe Banke, odnosno službe koja je sačinila specifikaciju u skladu sa potrebama, u Obrascu za cijenu ponude-robe-Aneks VI pod rednim brojem 5, ponuđač nije ponudio artikl koji odgovara traženom opisu.

Tačkom 8. tenderske dokumentacije definisano je da je ponuđač dužan ponuditi zahtijevanu robu, na način da odgovara svim zahtjevima navedenim u tenderskoj dokumentaciji, odnosno obrascu za cijenu ponude-robe koji je sastavni dio tenderske dokumentacije (Aneks VI tenderske dokumentacije), a tačkom 10. definisano je da sve ponuđene stavke moraju zadovoljiti zahtjeve iz specifikacije, u suprotnom ponuda se odbacuje kao neprihvatljiva.

Iz navedenog razloga, a u skladu sa članom 68. stav (4) tačka i) Komisija za javne nabavke je odbacila ponudu jer ista nije potpuna i ne ispunjava zahtjeve iz tenderske dokumentacije.

S obzirom da je tenderskom dokumentacijom predviđeno zakazivanje e-aukcije, a da je samo jedna ponuda prihvatljiva, imajući u vidu član 3. Pravilnika o uslovima i načinu korištenja e-aukcije (Službeni glasnik BiH broj 66/16) e-aukcija se nije mogla zakazati.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima i uslovima iz tenderske dokumentacije.

Imajući u vidu sve prethodno navedeno, a prvenstveno da je ponuda ponuđača D.O.O. REDEX Banovići u iznosu 11.998,30 KM bez PDV-a, prema kriteriju za izbor ponude (najniža cijena) ocijenjena prihvatljivom, te ispunjava uslove i zahtjeve predviđene konkurentskim zahtjevom za dostavu ponuda, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



Predsjednik Uprave

Salko Selman

Dostaviti:

- Učesnicima u postupku